

Demostrando cu na Aruba nos tambe por!

E compania "Caribbean Heavy Lift & Transport Aruba" di ATCO a capta atencion internacional

STA. CRUZ— Den su edicion di September, 2006 e revista "International Cranes" a publica un pagina completo di cobertura pa cu e trabaonan di transporte cu e compania local "Caribbean Heavy Lift & Transport Aruba" a realiza pa Refineria Valero hunto cu e contratista Starcon. Por corda ainda cu algun siman pasa mester a haci trabaonan pisa di "turn around" den e refineria pa cual e compania Caribbean Heavy Lift & Transport Aruba, cu ta forma parti di ATCO, a haye cu un cantidad di transporte y hisamento di carganan pisa pa realiza. E revista encuestion ta basa su mes riba "specialized transporte" cu ta precisamente locual e compania local ta haci na Aruba tambe. Claro cu e mercado na Aruba ta mucho mas chikito cu otronan den e region, pero asina mes de bez en cuando sa tin trabaonan interesante pa haci tanto na WEB como tambe na Valero cu ta dos di e companianan cu mas ta haci uso di e tipo di transportenan specializa aki. Algun tempo atras ATCO a hala masha atencion ora cu a haci uso di e truck "low boy" pa por a transporta un turbina completo for di waf pa WEB. E tipo di transportenan asina no ta sosode tur dia y den pasado mester a haci uso di companianan di exterior pa por a keda cla cu e tipo di transportenan specializa asina. Den caso di Valero, Caribbean Heavy Lift a sa di haci uso di un Modular Lifting Tower pa asina por a haci algun trabao di transporte y hisamento di carganan pisa.

Cu e articulo aki den e revista Mericano aki, Aruba ta haya promocion cerca un audiencia cu den su mayoria bez ta industrianan grandi o sea comerciantenan potencial. Tambe e ta mustra mundo henter cu nos isla tin companianan capaz y cu experiencia suficiente pa por realiza trabaonan specializa di transporte di carganan pisa cu hopi otro no por. Pa Caribbean Heavy Lift & Transport Aruba y ATCO, e noticia positivo aki ta bini na un bon momento, debi cu nan a caba di haya e certificacion di mas halto den ofrece servicionan di calidad y traha cu proceduranan y standardnan internacional. Siendo un compania cu ta cumpli cu standardnan di ISO 9001 y OHSAS 18001, ATCO y Caribbean Heavy Lift & Transport Aruba awor ta acaparando atencion internacional pa trabaonan cu ta wordo realiza aki riba nos isla.

**INTERNATIONAL
CRANES
AND SPECIALIZED TRANSPORT**

SEPTEMBER 2006
www.craneworld.com
A XMI Group publication

**Site report:
Spanish
furnace**

**TopLift preview
Tower cranes
Components:
engines
safety**

SCRA

THE MAGAZINE FOR EQUIPMENT USERS AND BUYERS

ATCO